

CRITERIOS DE CUALIFICACIÓN 1º BACHARELATO

2023-24

Os criterios de cualificación por avaliación serán os seguintes:

1ª AVALIACIÓN	2ª AVALIACIÓN	3ª AVALIACIÓN
Traballo escrito: 15%	Exposición oral planificada: 15%	Traballo oral e escrito: 15%
Proba oral e proba escrita sobre o libro de lectura: 15% (7,5%+7,5%)	Proba escrita sobre o libro de lectura: 15%	Proba escrita sobre o libro de lectura: 15%
Exame: 70%	Exame: 70%	Exame: 70%

Os traballos serán avaliados mediante rúbricas ou escalas de valoración que se lle darán a coñecer ao alumnado antes da súa realización. En todos os exames figurará a puntuación de cada pregunta.

Os libros de lectura obligatoria serán os seguintes:

- 1ª avaliación: Antía Yáñez: *Senlleiras*, Galaxia
- 2ª avaliación: Ledicia Costas: *Golpes de luz*, Xerais
- 3ª avaliación: Carlos Casares: *O sol do verán*, Galaxia

Libros de lectura voluntaria: o alumnado terá a opción de ler un libro de lectura, a escoller entre os dunha listaxe ofrecida pola profesora, que poderá incrementar a nota final do curso ata 0,5 puntos. Esta lectura ten que estar realizada antes do 30 de abril. Avaliarase cunha proba oral.

Das cualificacións dos traballos e probas escritas e mais dos exames restarase ata 2 puntos por errores ortográficos, morfosintácticos ou léxicos; os errores moi graves (non uso de maiúsculas, pronomes mal colocados, emprego de tempos compostos) descontarán 0,1 cada un e o resto 0,1 cada 2 errores. Tamén se podrá descontar ata 0,5 puntos por deficiencias na presentación dos escritos (ausencia de marxes, caligrafía ilexible ou abundancia de borranchos ou riscos).

Se un alumno ou alumna copiase durante a realización dunha proba, anularíase a pregunta copiada ou a totalidade da proba, segundo corresponda.

O alumnado que non se presente a algúns das probas programadas poderá realizala noutra data sempre e cando a ausencia estea documental e debidamente xustificada.

A nota de cada avaliación calcularase sumando os distintos elementos avaliados, debidamente ponderados.

A nota final calcularase mediante a media aritmética das tres avaliacións sen redondeo. Considerarase que superou a materia o alumnado que obteña unha nota media no curso de 4,5 puntos ou superior.

Recuperacións

O alumnado que non chegue ao aprobado (inferior ao 4,5) deberá recuperar as partes suspensas ao inicio do seguinte trimestre para a 1ª e 2ª e antes da avaliación final no caso da 3ª. Efectuaranse dous tipos de probas de recuperación: unha proba oral para a parte do

libro de lectura e outra escrita que incluirá todos os contidos traballados no trimestre. A nota da avaliación que haxa que recuperar obterase, segundo os casos, do seguinte xeito: 15% da lectura (mantense a nota obtida na avaliación no caso de que estea aprobada)+ 85% proba escrita de recuperación.

Neste suposto, a súa nota final calcularase novamente mediante a media aritmética das tres avaliacións sen redondeo, pero incorporando as novas cualificacións obtidas despois das recuperacións cando corresponda.

No período de xuño que transcorre entre a avaliación final ordinaria e a extraordinaria procederase do seguinte xeito:

-o alumnado aprobado realizará tarefas de reforzo e ampliación encamiñadas á preparación de 2º de bacharelato, se ben a súa nota non poderá ser modificada.

-o alumnado suspenso realizará actividades de apoio e recuperación para axudarlle na preparación da proba extraordinaria de todos os contidos que terá que facer no día de xuño fixado oficialmente pola Xefatura de estudos. A cualificación neste caso será unicamente a nota obtida nesa proba.